

Katto katne shaphang ka jingpang Tonsillitis

Ka tonsillitis ne ba ngi ju tip kum u tonsil, kadei ka jingshah ktah jong ki tonsil ne ki kynja dohjem kiba don ha ka ryndang jong u brieve kiba pynlong ia ka jingtyrha bad jingkhluet. Ka ju kham jia long bha ha ki khyllung kiba ha ka rta kaba 3 haduh 7 snem, kiba don ia kine ki tonsil kiba kham heh ban ia ki khynnah kiba la samla bad kiwei pat ki khyllung khynnah. Ia kine ki tonsil la pynlong da kine ki lymphatic tissue. Ka kam jong ki kalong ban pynmih ia ki antibodies



kiba dei ban iakhun pyrshah ia ki katto katne ki jingshah ktah ha ki khñiang jingpang barit barit. Kham bunsien hi kine ki tonsil kim ju kham shah pynshitom, hynrei don pat ki por ba ki shah pynshitom kum ha ki viral ne bacteria kiba pynmih ia ka daw ka jingpang ha ki.

Kum kine ki jingjia khambun sien kim ju da poi than shaduh ban ong ban hap leit shim dawai na ki doktor. Don lai jait ki daw kiba kham kynrei ha ka ne ka jingpang tonsillitis Ka kynhun jong ki streptococcus, kiba kham kynrei bad don bha ki khñiang kiba pynmi ia ka daw ka jingpang jong u ryndang bad shah ktah ha kumba 1 na 5 ngut, kynthup lang ia ki ba la kham heh ruh. Bun ki brieve kim don ia kine ki dak ki shin hynrei wat la katta ruh ki dang lah ban pyn saphriang pat ia kine ki bacteria. Kine ki kynun jong ki streptococcus ki lah ruh ban pynlong ia kita ki jingpang ryndang kiba la tip kum ka strep thoat. Ka jingdon jong kine ki jingpang ha ryndang jong ki brieve ka lah ruh ban pynmih ia ka jingpang kiba kham jur bad kham shitom ba la tip kum ka rheumatic fever.

Bun jait ki virus kiba iadei bad ha ka jingpynhiar bad ring mynsiem, kum ka jingpang baiongkhlieh, bad flu viruses, ki dei kiba la kheiñ kiba pynlong kham bun ia ka daw ka jingmih jong kane ka jingpang tonsillitis. Kiwei pat ki jingshah ktah kum ka mononucleosis, ba la pynlong da ki Epstein-Barr virus, ki lah ban pynmih ia ki dak ki shin jong kane ka jingpang tonsillitis kham tam ha ki khyllung, bad ruh shibun ki jingeh. Ki dak ki shin kiba kham iohi jong kane ka jingpang tonsillitis, ka dei ka ka jingpang ha u ryndang, bad namar ba ka skhor bad ka ryndang ki ia pyndonkam lang ia u juh u thied te ka don lang ka jingpang ha ki skhor ruh. Ka jingpang ka kham pynshitom lada don ka jingat. Ki khyllung kiba dang khamrit lehsie ki lah ban nym thlia hynrei ki lah ban nym treh ban bam na ka daw ka jingpang.

Kiwei kiwei ki dak ki shin ki kynthup ia kine harum:

- > *Ka jingdon jingshit*
- > *Ka jingsngew kumba don ka met bym sngew khlañ ne ba shu sngew shitom eh.*
- > *Ka jingdon ia ka jingktha khlieh*
- > *Ka jingsam kynroi prie.*

Baroh kine ki jait jingpang tonsillitis ki khuid bad koit hi khlem da don kam kino kino ki jingsumar. Ki shim por katto katne sngi na ka bynta kine ki bacterial ne ki normal tonsillitis ban khuid, hynrei ka lah ban bam da ki taiew pat ban khuid lada ia ka jingshitom la pynlong da ki mononucleosis. Teng teng lada don ki jingpang kiba kham shitom ne ki bacteria kiba kham pynshitom, ki doktor ki ju pyndonkam da ka ba ai ia ki dawai antibiotics.

Kawei ka jingeh jong ki bacterial infection, ka dei ka jingdon ia ka jingpang khie shit kaba la tip ruh kum ka rheumatic fever ka ju kham jia bad don ha ki brieve kiba shah ktah kine ki tonsil, tad haduh ba ki doktor kin da la peit bad sumar da kine ki dawai antibiotics. Ka kynhun jong kine ki khñiang jingpang kiba la tip kum ki streptococcus ki lah ban pynsaphriang sha baroh ki bynta jong ka met ki lah ruh ban ktah ia ki bynta ba shapoh jong ka met ne ki dohjem, kham tam ia u klong snam. Bad kane ka lah ruh ban kylla long ka daw ka ba lah ban sah shyrtta, kaba ha ki snem kiba bud hadien ka jingdep shah ktah kaba malu mala kan mih paw ka jingpang ba shyrkhei ha u klong snam. Ka kham duna kum kane ka jingshitom ha ri Canada da ka don ruh ka lah ban don tang kumba ar tylli ki cases ha ka ar snem.

Wat la ka long ka jingeh ha ki katto katne tylli ki ri. Haba phi ang ka shyntur - lah ban iohi ia kine ki tonsil hadien u tang kro kiba saw bad kiba at lam tyrha ruh. Ka jingtest ia ka snam kalong ka ba donkam na ka bynta ban lap ia kane ka jingshitom khamtam kito kiba shah ktah ha ki khñiang kiba la tip kum ki mononucleosis. Lada phi don tonsillitis, ki brieve kidei ban shong pynaram ne shongthait bad pynlong ia ka met ba kan lait tyrkhong.

Pyniasnoh iatreilang ka BTS bad ka nongshna phlim ka Maggie Kang na ka bynta ka phlim series documentary 'Keep Swimming'

Ka kynhun rwai pop ba pawnam ha ka pyrthei ka BTS ka la pyniasnoh jingiatreilang bad ka nongshna phlim jong ka KPop Demon Hunters ka Maggie Kang na ka bynta ka phlim series lyngkot jong ka ba la ai kyrteng 'Keep Swimming', kaba wanrah ia ka jingiatreilang kaba thymmai ha pdeng jong ka jingiatreilang jong ka projek hadpeng ka BTS bad ka Maggie.



Ka thup ka tei ia ka phang 'ban iaid shakhmat' ba la pynrunng ha ka jingrwai ba kongsan "Swim" na ka album ba thymmai jong ka kynhun Arirang. Ka pynkylla ia ka jingmut ban iaid lyngba ia ki jingeh jong ka jingim ha la ka jong ka jong ka rukom sha ki jingiatreilang ba shisha, ha kaba ka episode jong u Kang ka pyndap ia ka jingiohi jong ka phlim ha ka jingiakhih.

Ka jingmih jong ka, kaba la pyllait ha ka 27 tarik u Iañong, ka pynleit jingmut ha ka jingleit jong ka shadien jong ka KPop Demon Hunters kaba la jop ia ka Oscar, ryngkat bad ki jingpyrkhat halor ka jinglong bad ka jingthmu ban thaw. "Nga dang lah ban ngeit shisha wat mynta ba ka la jop ia ka Oscar," ka la ong bad bynrap ba ka "kwah shisha ban pyni ia ka kolshor Korea lyngba ki jingpynwandur". Ka la kdew ba ki jingkynthoh jong ki nongpeitkai, khamtam eh ka jingsngew sarong jong ki nong Korea, "ka mut shibun eh".

Ka Maggie ka la kren ruh shaphang ka jingiaidei jong ka bad ki tynrai jong ka watla ka sah shabar ri. "Man la ka por ba nga wan sha Korea, ha ka khyllimat ba ka liengsuñ ka hiar, nga sngew kumba, 'Nga la poi ha iing.' Ka jinglong nong Korea ka la ju sngew kum ka jinglong ba nyngkong eh jong nga," ka la ong.


Ka jingiatreilang ka pynpaw ia ka jingthmu kaba kham jylliew jong ka series ban pynkylla ia ka jingpyrkhat na ka jingjop kaba lah ban iohi sha ka jingpyrshang kaba neh. Ha ka jaka ban pynpaw tang ia ki mawjam, ka Keep Swimming bad ka BTS ka pynleit jingmut ha ka jingiaishah, ka jingpynkylla bad ka kam kaba bunsien ym ju iohi ha lyndet jong ka jingkiev.

La sdang ha ka 7 tarik Iañong, kane ka phlim ka pyni ia ki riew pawkhmat jong ka Korea ha kylleng ki bynta, kynthup ia u nongshna phlim Park Chan-wook, nongshna dur ka Nora Noh, nongialehka Olympic snowboard u Choi Gaon bad u Venerable Sunjae. La khmih lynti ba ym pynbna shuh shuh ia ki nongiashim bynta lyngba ki lad pathai khubor jong ka kynhun.

Ha kawei pat ka jaka, ka BTS ka la wanphai biang sha North America ryngkat bad ki jingshad ba sdang jong ka 'BTS World Tour "Arirang"' jong ki, da kaba pyni ar tylli ki jingshad ha Raymond James Stadium ha ka 25 bad 26 tarik u bnai Iañong, 2026.

Ha ka sngi kyntiew kurim aplai kam online ka nongleit kurim

Ka video jong kawei ka nongleitkurim kaba aplai kam ha ka sngi shongkurim jongka ka la saphriang bha ha ki social media, kaba la pynlong ia kiba bun ki brieve ban sngew samrkhie sngewtynnat.



Katei ka video, kaba la iasam da ki arngut kiba kyrteng ka Sanchi bad ka Shivam, ka pyni ia katei ka nongleit kurim kaba shong ha ka kali ha ka riam iathoh tynrai jong ka, kaba pyndonkam ia ka phone jongka, ban phah ia ki aplikeshon kam lyngba ka email.

Wat hadpeng ka jingbunkam jong ka jingkhawai shongkurim, la iohi ba ka pynleit jingmut sngur ha ka kam jong ka kaba pyni kumno ka pyniahap ia ki jingdonkam ba kongsan jong ka shimet bad ka kam ha kajuh ka por.

Ha ka video la kynthup ia ka jingthoh, "Ka rukom treikam jong ka Dulhan: ON;

Kane ka khyllimat ka la pynkhihwin ia kiba bun ki nongpyndonkam online, kiba la shem ba ka long kaba iadei bad ki la iaroh ia ka namar ba ka la pynleit jingmut ha ka kam jong ka wat ha kum kane ka sngi kaba kongsan.

Ha ka sngi rakhe ia ka sngikha ba 108 snem pynshai ka longkmie na Alabama ia ki buit bam i samla sah

Kawei ka longkmie kaba la na Alabama kaba la rakhe ia ka jingdap sngi kha kaba 108 snem jong ka, ka la ai jubab ia ki jingkylli ba iadei bad ki buit ba kumno ka lah ban sngew samla sah ialade, ha kaba ka la pynshai "ka jingdih waiñ, ka jingbam ia ki jingbam ba ba thiang, bad ka jingialuh samla bad ki shynrang kiba don tmaiñ, ka dei ka daw ba pynsngew samla sah ia ka."



Ka Helen Denmark ka la dap 108 snem ha ka Sngi U Blei, bad la rakhe ia ka sngi kyrpang jong ka da ka jingkhawai ha ka Sngi Nyngkong kaba la wan don bynta lang da ki paralok jong ka ha Brookdale Assisted Living ha Birmingham. Ka Denmark ha ka jingiakren bad ka WDHN-TV ka la ong ba kam sngew ba ka la kham rangbah ban ia kaba ka la don ha ka por ba ka dang 107 snem ka rta, bad ka la ong ruh ba ka dang sngew samla sah na ka daw ka jingdih waiñ, bam ia ki jingbam ba thiang ba jem, bad ia luh samla bad ki shynrang brieve kiba don tmaiñ."

Katei ka longkmie ka la ong shuh shuh ruh ba ka dang sngew khlañ bad sngew eh bha. "Nga te nga sngew khlañ beit," ong katei ka longkmie. Ngan im tad haduh ban da kot sha ka 110 snem." Ka U.S. Census Bureau ka la antad ba ki don kumba 101,000 ngut ki brieve kiba la palat ia ka 100 snem kiba sah ha katei ka ri ha u bnai Jymmang, bad la khmih lynti ba katei ka jingkhein kan kiew saw shah sha ka kumba 422,000 ngut ha u snem 2054.

Thaw rikod ka jhad halor ka jinglah ban sam bun eh ia u pizza sha ki nongleit nongwan

Kawei ka jhad ha ka jingiadon bynta lang bad u Chef Tony Gemignani uba dei na ka Tony's Pizza Napoletana kaba don ha San Francisco ban pyn urlong ia ka thong jong u ban ai pizzas ia baroh ki nongleit nongwan ha ka jhad Princess na ka bynta ban ioh thaw ia ka nam ha ka rikod jong ka pyrthei, ka la lah ban pynurlong shisha ba katei ka jingpyrshang ka la wanrah ia ka jingsei soh.



Kat kum ka jingpynshai jong uba dei khmih na ka liang ka Guinness World Records la pynthikna ba palat 60,000 lyngkhot u pizza la sam sha ki brieve kiba la shong leit jingleit da katei ka jhad, bad kane ka la wanrah ia ka jinglah ban pyndep ia ka jingdonkam na ka bynta ban ioh ia ka rikod halor ka nam "ka tamasa ia bam pizza kaba heh tam ha kiba bun ki jaka." Ka kynhun ki nongai bam ha ka jhad Princess ka la ong ba kane ka jingpyrshang ban ioh thaw rikod ka long kaba eh ha kaba donkam 6,512 pound u maida ba la khleh, 3,417 pound u ata, 1,393 pound u sohmynten jhur bad2 ,323 pound ka cheese.

Ka jingpyrshang ban ioh ia katei ka rikod ka dei kaba la rakhe leh kmen ruh da ka Gemignani kaba la don bynta ban shet ia ar tylli u Pizza ba kyrpang ka Princess kaba la ai jingmut da ki nongpyniaid jong katei ka jhad. Ki jingdonkam ba thymmai ban shet ia kine ki pizza ki dei kum u Soppresata sausage, ka ngap ba khluet, ka jingkhleh ban pynbang lane la jingtah (Sauce) bad ruh ka cheese kaba dang dep sei na ki blang.

Kiew ki blang ha jrong ka kali SUV ha ki jaka lum ha Colorado

Ar tylli ki blang ki la rai ba kin pynkulmar jingmut ia ka nongkiew lum kaba dei ka trai jong kawei ka kali SUV ha ka jaka lum jong ka Colorado, bad ia katei baroh kaba la jia la lah ban ring video da kiba la sakhi ia katei ka jingjia.



Ka Mindy Williford, kaba ju tip kum u Superglamp ha social media, ka la wan phai sha ka kali Subaru SUV jong ka hadien ba ka la wan kiew ia u lum Mount Blue Sky, uba jngai 45 mer na thain sepngi jong ka Denver, bad lap ba ba ia ki dien kjat kiba la paw hajrong ka kali jong ba.

"Kine ki dei ki dien kjat jong ki mrad kiba don ia ki kjat kiba eh kum ki kjat kulai. La don ki blang kiba la wan kiew ha ka kali jong nga," ong ka Williford ha ka video kaba ka la pynlait ha ka account jong ka. "Kane ka long kaba i thamula, bad kine ki dak ki don shaduh sha jrong jong ka kali.

Ka jingpynlait ia katei ka video ka la pynlong ia kiba bun ba ki peit ia ka account Subaru.

"Ki brieve ki la ong ba kane ka lah ban dei ki blang, hynrei ngam shym la mutdur ba kan dei shisha," thoh katei ka kompeni ha ka comment ha TikTok.